


T 2720/2223

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY  
JAN 20 1940

15






名山藏

勳封







名山藏卷之四十一

臣何喬遠恭輯

哈佛大學  
圖書館  
珍藏印

勳封記一

余次勳封盡然傷焉其起草萊與高帝定天下者公  
十二人侯五十七人伯六人是皆鐵券寶綸天盟廟  
授食租衣稅不與民社事蓋所以預宥而前全之者  
也乃藍胡之獄誅鋤萬數一時功臣十去六七竊怪  
諸臣皆戮力捐軀入水出火爲高皇帝滌蕩腥膻洗  
濯日月天下既定固當使之能者有勸善人不懼及  
考諸臣所以行事皆失其理夫風雲之際雷霆易轟



雪霜之餘李梅不實大禹尚宜謙抑周公以之退遜是皆田閒武夫附翼攀鱗安知守滿居成之道况夫高皇帝睿聖神武刑賞號令無所疑錯罰焉加必而臨之者哉斯知魏文所以疑心漢高因之僞遊是以徐達醉驚而趨寢湯和稽首以還鄉鞠躬隱智存乎其人逮夫永樂之間內難削平以七戰論功既而北驅殘虜南縛交會西靖羗番東捕倭韓降胡廝養往往登封而景隆以負國墜戶江陰以被劾入券長興以傲上奪田越嶺安陸之流載復載什終夷氓隸前封所存僅魏西平武定三家而已開國靖難至分新

舊之官而高帝之舊勳詘矣夫以常李鄧湯之功而裔末流於荒徼眷屬幽於都闕圭組委於泥塗工師作室雖賀主人上賓飫庖猶賚行炙繼體英君守文令主能不惻然動心者耶是以弘治五年孝宗皇帝求得常遇春玄孫復李文忠玄孫璿鄧愈五世孫炳湯和六世孫紹宗令爲世襲指揮使銓註衛分近其祖塋以便奉祀嘉靖十年世宗皇帝以刑部主事李瑜言進享劉基太廟伯其子孫仍命求四臣後許之傳襲以不廢高皇帝報功之意武王興滅天下皆歸成季有後善人競勸聖君之舉也其他封爵時功時



名山癘 卷之四十一  
不功或有奸黨因以貪天僥夫駕而從馬至於椒掖之親貂璫之族甚以羽士黃冠得班上公而先亞相斯帶礪之濫觴曠蕩之橫流僂得僂失固其理矣故觀其所以絕所以續或予而竟絕或奪而竟續雖本人事亦有天道焉

洪武三年大封功臣公六人韓國公李善長魏國公徐達鄭國公常茂曹國公李文忠宋國公馮勝衛國公鄧愈侯二十八人中山侯湯和滎陽侯鄭遇春平涼侯費聚江陰侯吳良靖海侯吳禎南雄侯趙庸德慶侯廖永忠南安侯俞通源廣德侯華高營陽侯楊

璟靳春侯康鐸延安侯唐勝宗吉安侯陸仲亨江夏侯周德興淮安侯華雲龍濟寧侯顧時長興侯耿炳文臨江侯陳德鞏昌侯郭子興六安侯王志永嘉侯朱亮祖潁川侯傅友德豫章侯胡美東平侯韓政宜春侯黃彬宣寧侯曹良臣汝南侯梅思祖河南侯陸聚二十三年肅清逆黨榜列勳臣五十七人其因革次第異於前矣曰功高望重連歲命總兵者八人魏國公徐達曹國公李文忠衛國公鄧愈信國公湯和宋國公馮勝西平侯沐英江陰侯吳良長興侯耿炳文曰專簿書而聽指示者一人韓國公李善長曰以



義氣而封者三人榮陽侯鄭遇春六安侯王志平涼侯費聚曰所在隨軍征討累有戰將之功未有總兵之名而論舊封者十九人江夏侯周德興鞏昌侯郭子興南雄侯趙庸安慶侯仇成崇山侯李新南安侯俞通源永平侯謝成鳳翔侯張龍靖海侯吳禎東勝侯汪興祖晉定侯陳桓航海侯張赫舳艫侯朱壽德慶侯廖永忠臨江侯陳德濟寧侯顧時延安侯唐勝宗吉安侯陸仲亨淮安侯華雲龍曰建功者十五人穎國公傅友德涼國公藍玉靖安侯葉昇景川侯曹震會寧侯張溫定遠侯王弼武定侯郭英懷遠侯曹

興雄武侯周武安陸侯吳復宣德侯金朝興永城侯薛顯東川侯胡海鶴慶侯張翼永嘉侯朱亮祖曰因父而封者四人開國公常昇斬春侯康鐸金寧侯孫恪西涼侯濮瑋曰持兵負固於兩閒可觀望而不觀望來歸者七人東平侯韓政宣寧侯曹良臣營陽侯楊璟河南侯陸聚汝南侯梅思祖臨川侯胡美宜春侯黃彬得與功臣廟祀者惟二十有一人中山王徐達開平王常遇春岐陽王李文忠寧河王鄧愈東甌王湯和黔寧王沐英郢國公馮國用越國公胡大海梁國公趙德勝濟國公丁德興巢國公華高蔡國公



名山癩 卷之四十一  
張德勝虢國公俞通海江國公吳良海國公吳禎蘄國公康茂才安國公曹良臣黔國公吳復泗國公耿再成東海郡公茅成燕山侯孫興祖今次第諸臣功勳封爵叙其世除列籍於後

魏國公徐達鳳陽人以鎮撫從起滁帥領諸將竟定天下以大將軍生致張士誠封信國公洪武元年加銀青榮祿大夫上柱國錄軍國重事中書右丞相信國公兼太子太傅三年授開國輔運推誠宣力武臣特進光祿大夫左柱國太傅中書右丞相進封魏參軍國事祿五千石賜誥命鐵券與誓謀逆不宥犯死

身免二子免一賜綺帛百匹地若干頃佃戶若干戶守墳人百五十戶儀仗戶二十家第京師封十六年薨年五十四追封中山王予諡二十一年輝祖嗣以抗靖難師幽卒永樂五年子欽嗣洪熙元年子顯宗嗣卒亡後正統十三年弟承宗嗣天順八年備嗣正德十三年備孫鵬舉嗣隆慶六年子邦瑞嗣年  
嗣萬曆二十三年子弘基嗣達三子增壽別封定國公有傳

韓國公李善長定遠人居中饒士士得以飽戰洪武元年加銀青榮祿大夫上柱國錄軍國重事中書左



丞相宣國公兼太子少師三年授開國輔運推誠守正文臣特進光祿大夫左柱國太師中書左丞相進封韓參軍國事祿四千石賜誥命鐵券與誓謀逆不宥犯死身免二子免一賜綺帛百匹地若干頃佃戶若干戶守墳人百五十戶儀仗戶二十家第京師封二十一年以胡惟庸黨論死爵除有傳

鄂國公常遇春定遠人以猛戰克服吳漢平定中原北破開平擒元三王子還師道卒年四十先與大將軍同致張士誠吳元年封公洪武元年加銀青榮祿大夫上柱國兼太子太保二年加贈翊運推誠宣德

靖遠功臣開府儀同三司上柱國太保中書左丞相追封開平王予諡三年長子茂以父功封鄭國公坐訟婦翁馮勝安置龍州二十一年更封次子昇爲開國公嗣子繼祖安置臨安衛爵停弘治六年世其玄孫復南錦衣衛指揮使嘉靖十年續封八世孫玄振懷遠侯祿千石二十八年文濟嗣胤緒嗣有傳

曹國公李文忠臨淮人高帝外生從起兵東定浙終北致元順帝孫買的里八剌於應昌數以皇甥居帷幄洪武三年授開國輔運推誠宣力武臣特進榮祿



名山藏 卷之四十一  
大夫右柱國大都督府左都督封公祿三千石賜誥命鐵券與誓謀逆不宥犯死身免二子免一賜綺帛若干匹地若干頃佃戶若干戶守墳人若干戶儀仗若干家第京師封十五年薨年四十六追封岐陽王予諡十七年景隆嗣永樂元年以周王劾削爵敷門正統十三年貫開爵停弘治五年世其玄孫璿南錦衣衛指揮使嘉靖十年續封八世孫性臨淮侯亡子十二年璿三子沂嗣十五年底竹嗣萬曆三年言恭嗣有傳

宋國公馮勝定遠人以都指揮從克漢及吳竟定天下洪武三年授開國輔運推誠宣力武臣特進榮祿大夫右柱國封公祿三千石賜誥命鐵券與誓謀逆不宥犯死身免二子免一賜綺帛若干匹地若干頃佃戶若干戶守墳人若干戶儀仗戶若干家第京師封二十二年除

衛國公鄧愈虹人自盱眙率所部從於滁陽累歷戰功竟定天下洪武三年授開國輔運推誠宣力武臣特進榮祿大夫右柱國封公祿三千石賜綺帛若干匹地若干頃佃戶若干戶守墳人若干戶儀仗戶若干家第京師封九年以征西將軍討土蕃部成功道



卒年四十一追封寧河王予諡十年鎮嗣改封申十  
八年征進江西有功卒亡後鎮弟銘以功授指揮僉  
事從愈征蠻亡於軍子源以散騎隨征沙漠還病故  
子挺挺子炳弘治五年世炳南錦衣衛指揮使老正  
德八年繼坤嗣嘉靖十年續封爲定遠侯三十六年  
祖錫嗣隆慶六年祖錫孫世棟嗣有傳

信國公湯和鳳陽人以滁陽王牌頭爲招討授統兵  
元帥累軍功洪武三年授開國輔運推誠宣力武臣  
榮祿大夫柱國封中山侯祿千五百石賜誥命鐵券  
十一年加特進光祿大夫左都督左柱國爵公祿三

千石賜鐵券與誓謀逆不宥犯死身免二子免一綺  
帛若干匹地若干頃佃戶若干戶守墳人若干戶儀  
仗戶若干家第京師封二十六年卒年七十追封東  
甌王予諡子鼎自致功累都督府僉事征雲南道卒  
贈信世子鼎子晟蚤卒晟子文瑜胎癱不能公弘治  
五年世和六世孫紹宗南錦衣衛指揮使嘉靖十年  
續封靈壁侯十四年佑賢嗣三十九年世隆嗣萬曆  
中之誥嗣有傳

延安侯唐勝宗鳳陽人年十八從起兵從下常宣婺  
池高郵安慶九江南昌敗友諒禁江口平潭醴辰荆



諸郡拔延安有功洪武三年授開國輔運推誠宣力  
武臣榮祿大夫柱國侯祿千五百石賜誥券與誓身  
免二死子一死侯二十四年坐亂宮誅除

吉安侯陸仲亨鳳陽人從下南昌合肥安豐敗友諒  
彭蠡自將取英德清遠靖江廣州洪武三年授開國  
輔運推誠宣力武臣榮祿大夫柱國同知大都督府  
事侯祿千五百石世襲誥券與誓身免二死子一死  
侯二十四年坐家奴發反謀誅除

江夏侯周德興鳳陽人從渡江取金華安慶高郵安  
豐合肥贛安福永新自提兵拔安吉西安洪武三年

授開國輔運推誠宣力武臣榮祿大夫柱國侯祿千  
五百石賜誥券與誓身免二死子一死侯二十三年  
坐帷薄不修論死除

淮安侯華雲龍安豐人起小校從克采石攻下金陵  
擒元將李將軍分取廣德禦龍江戰彭蠡從伐江陵  
還取淮東從大將軍開中原洪武三年授開國輔運  
推誠宣力武臣榮祿大夫柱國侯鎮守北平祿千五  
百石世襲賜誥券與誓身免二死子一死侯居北平  
處元丞相脫脫大第僭用元宮龍榻鳳裯役民造新  
第侈過制上命遷故元官江南侯姑息弗如詔有故



名山藏 卷之四十一 九  
元官構黨出檄欲煽以變見切責召歸益歌舞燕飲  
自放卒國除葬侯禮弗公也小淮安侯忠亦論死  
濟寧侯顧時鳳陽人與平章韓政四面急攻濠州與  
士誠兵水戰昇山自率壯士躍入舟降士誠五太子  
與大將軍開中原洪武三年授開國輔運推誠宣力  
武臣榮祿大夫柱國同知大都督府事祿千五百石  
賜誥券與誓身免二死子免一死五年以左副將軍  
與征虜前將軍李文忠分兵出沙漠迷失道糧盡士  
疲不能戰獨引麾下數百人衝擊胡兵掠重振士侯  
十年卒贈滕國公予諡十五年敬嗣敬以左副將軍  
定龍泉寇屢從征有功後竟除

長興侯耿炳文鳳陽人以長興孤城當吳洪武三年  
授開國輔運推誠宣力武臣榮祿大夫柱國秦王府  
左相兼陝西行省右丞侯祿千五百石賜誥券與誓  
身免二死子一死侯三十二年卒子璿駙馬都尉璿  
都督僉事瑄尚寶卿洪熙初皆論死除

臨江侯陳德鳳陽人從渡江與諸將攻取采石姑孰  
建業京口溧常宣寧征浙東西戰鄱陽克武昌靖中  
原洪武三年授開國輔運推誠宣力武臣榮祿大夫  
柱國同知大都督府事侯祿千五百石賜誥券與誓



身免二死子一死征蜀漢其肅出鎮北平侯九年卒  
贈杞國公予諡十三年胡黨覺以前死免其明年鏞  
嗣以征南將軍屢平賊十九年從宋國公出塞與大  
將軍異道遇虜死竟除

鞏昌侯郭子興一名興鳳陽人從滁陽麾下轉隸高  
帝備宿衛往往累創戰洪武三年授開國輔運推誠  
宣力武臣榮祿大夫柱國侯祿千五言石賜誥券與  
誓身免二死子一死侯十四年卒賭陝國公予諡竟  
除

六安侯王志鳳陽人從渡江克定太平溧陽建業京  
口毘陵宣城江陰安慶江州南昌湖廣廬安豐從宋  
國公渡河取懷慶澤潞深入察罕腦兒絕塞却胡洪  
武三年授開國輔運推誠宣力武臣榮祿大夫柱國  
同知大都督府事侯食九百石賜誥券與誓身免二  
死子一死侯十七年卒贈許國公予諡二十二年威  
嗣二十三年坐林來保事謫安南衛指揮亡子志次  
子域嗣改清平衛世官胡黨覺志以死前免竟除  
滎陽侯鄭遇春鳳陽人從渡江克定太平蕪湖建業  
毘陵宣城江陰泰高郵安慶江州南昌湖廣廬安豐  
從大將軍開中原下汴洛朔洪武三年授開國輔運



推誠宣力武臣榮祿大夫柱國同知大都督府事侯  
祿九百石賜誥券與誓身免二死子一死坐累失侯  
十三年復爵侯二十三年卒竟除

平涼侯費聚鳳陽人從略定遠取驢牌寨民兵得壯  
士三千人招降秦把頭豁鼻山得壯士八百人從取  
滁濠句溧建業京口廣德長興從大將軍下吳興姑  
蘇從御史大夫和征四明繇海道南取三山延平還  
討昌國餘寇於蘭秀二山會大將軍取澤潞平陽太  
原西安鳳翔洪武三年授開國輔運推誠宣力武臣  
榮祿大夫柱國侯祿千五百石賜誥券與誓身免二

死子一死從穎國公征雲南有功承命辦軍民居於  
蘇州民奏侯傷民見罪責坐胡黨竟除子超與方國  
珍戰死

江陰侯吳良定遠人嬰遮江陰爲東鄣洪武三年授  
開國輔運推誠宣力武臣榮祿大夫柱國同知大都  
督府事侯祿千五百石賜誥券與誓身免二死子一  
死侯十三年卒贈江國公予諡十七年高嗣永樂十  
二年被劾編民江陰奪券洪熙元年謫戍海南爵除  
良有傳

靖海侯吳禎定遠人從起滁和渡江下采石太平溧



水漂陽拓定建業京口毘陵宣城池州與兄良鄣江陰水擒朱定從攻湖州姑蘇四明三山剽平蘭秀涉海還洪武三年授開國輔運推誠宣力武臣榮祿大夫吳相府左相侯祿千五百石賜誥券與誓身免二死子一死五年黜爲定遼衛指揮侯十年卒追封海國公予諡忠嗣侯竟除有傳

南雄侯趙庸廬州人以兄仲中棄守安慶賜死踵兄任僉院從大將軍破安慶九江南昌以六舟搏戰漢下淮東浙右開中原從鄂國公自陝取成都從曹國公克應昌獲元君孫坐私奴婢僅侯祿千五百石賜誥券與誓身免二死子一死十五年討廣東羣盜獲黨屬二萬餘斬首千餘招降萬餘戶侯二十四年坐藍黨誅除

德慶侯廖永忠巢人以巢湖軍納身取安慶九江以六艇戰漢巨舟鄱陽湖中以征南將軍平定閩廣洪武三年授開國輔運推誠宣力榮祿大夫柱國侯祿千五百石賜誥券身免二死子一死侯六年卒十三年權嗣卒竟除有傳

南安侯俞通源巢人以平章鎮守江淮屬大將軍征中原洪武三年授開國輔運推誠宣力武臣榮祿大



名山補 卷之四十一  
夫柱國侯祿千五百石賜誥券與誓身免二死子一  
死侯二十年卒逾年坐黨以死前犯己子祖痿不能  
侯除有傳

廣德侯華高含山人以巢湖軍納身以數騎挑戰力  
攻下廣德與兪通海擊柵江營與張德勝大敗漢石  
灰山從克安慶九江南昌淮泰高郵湖蘇洪武三年  
授開國輔運推誠宣力武臣榮祿大夫柱國侯祿六  
百石賜誥券使巡海南卒崖不及券不予券納其墓  
中

營陽侯楊璟合肥人從起太平摧城當先從征江漢  
克全永靖江洪武三年授開國輔運推誠宣力武臣  
榮祿大夫柱國侯祿一千五百石賜誥券與誓身免  
二死子一死侯十三年卒贈芮國公予諡十七年通  
嗣竟論黨除有傳

永嘉侯朱亮祖六安人本元義兵元帥禽於寧國釋  
而官之亮祖復反爲元前後死我衆七千餘創常將  
軍高帝自往擒之旣縛詰之不屈鞭而釋之用戍浙  
東取溫台繇海道從征廣東西至海南洪武三年授  
開國輔運推誠宣力武臣榮祿大夫柱國侯祿一千  
五百石賜誥券與誓身免二死子一死以征虜右副



名山藏 卷之四十一  
將軍助伐蜀至重慶蜀已下以杖死軍較不與賞使  
鎮廣東多不法事徵還凡十一年坐胡黨死除子暹  
指揮使先亮祖卒有戰功

潁國公傅友德碭人以漢友諒將投降九江戰收鄱  
陽鄂渚江右淮東彭城齊魯冀關陝洪武三年授開  
國輔運推誠宣力武臣榮祿大夫柱國同知大都督  
府事侯祿千五百石賜誥券與誓身免二死子一死  
以征虜前將軍克巴蜀以征虜副將軍出沙漠以征  
南將軍平雲南十七年論功進封潁國公祿三千石  
世襲侯二十五年論死除子忠尚壽春公主爲駙馬

都尉有傳

臨川侯胡美沔人故漢行省丞相投降武昌高帝仍  
其官親拜其母表坊造第美從大將征取江夏壽春  
淮東浙西邵武建寧洪武三年授開國輔運推誠宣  
力武臣榮祿大夫柱國封豫章侯祿千五百石賜誥  
券與誓身免二死子一死十三年改封臨川侯坐長  
女爲宮妃賺入宮者再賜自盡殺其家除  
東平侯韓政睢人以元義兵長來歸授江淮行省平  
章攻下張士誠將李濟於濠穴城攻安豐獲忻都敗  
竹貞平淮東西山東出師河北削平堅寨洪武三年



授開國輔運推誠宣力武臣榮祿大夫柱國侯祿千  
五百石賜誥券與誓身免二死子一死侯九年卒贈  
鄆國公子英散騎舍人竟除

宜春侯黃彬缺邑里故陳友諒將投降江州取新淦  
復南昌數定江右反側子從討贛鎮袁洪武三年授  
開國輔運推誠宣力武臣榮祿大夫柱國侯祿九百  
石賜誥券與誓身免二死子一死侯二十一年坐胡  
黨死除

宣寧侯曹良臣安豐人自持兵不歸劉福通而之高  
帝以江淮行省參政從征廬鄱陽武昌淮東湖蘇山  
東汴河南廣平會師臨清取德長蘆直沽河西通保  
定河間澤潞還守通以千人迫奔元也速萬騎從擊  
定西洪武三年授開國輔運推誠宣力武臣榮祿大  
夫柱國侯祿九百石賜誥券與誓身免二死子一死  
五年從李將軍取和林深入阿魯渾河戰歿贈光祿  
大夫追封安國公子諡子太嗣侯竟除

汝南侯梅思祖夏邑人故元義旅反元擴廓帖木兒  
醢其父及弟數人從張九四反九四歸大將軍淮安  
九四凌遲其弟數人從取浙西湖蘇山東西河南北  
入秦沔取興元洪武三年授開國輔運推誠宣力武



臣榮祿大夫柱國侯祿九百石賜誥券與誓身免二死子一死十五年平雲南以爲其地布政使其年卒以死前坐胡黨誅其家廬其從子殷爲駙馬都尉

河南侯陸聚故元樞密同知以徐宿來歸仍守徐使傅友德破元擴廓帖木兒驍將貳從開中原洪武三年授開國輔運推誠宣力武臣榮祿大夫柱國侯祿九百石賜誥券與誓身免二死子一死侯二十一年坐胡黨死除

右以開國功封

靳春侯康鐸靳人艾茂才以元宣慰元帥降授秦淮翼水軍元帥守龍灣取馬馱河却僞吳兵從廖永安攻池樅陽遷營田使屯田大収以帳前副指揮從破靳黃鄱湖武昌湖廣敗吳巫子門取蘇湖從開中原征漢中洪武三年卒贈推忠翊運宣力懷遠功臣光祿大夫湖廣等處行中書省平章追封靳國公予諡鐸以父功侯祿千五百石征雲南卒於軍追封靳國公諡忠愍子淵幼優給充散騎舍人已革服勒居山西卒除弘治十八年錄五世孫禮正千戶予世

右以父開國功封

忠勤伯汪廣洋高郵人謁太平剽繁劇馳驅多難屢



獻忠謀起令史至陝西參政召入爲中書省右丞相  
右丞楊憲嗾御史炳劾廣洋不孝斥還鄉憲再劾重  
廣洋罪丞相善長奏誅憲召還洪武三年封開國翊  
運守正文臣資善大夫護軍中書右丞忠勤伯祿三  
百六十石坐悞猾以中書右丞相黜爲廣東行省參  
政上問廣洋胡惟庸毒死劉基狀支吾對以黨謫海  
南賜死太平舟中除廣洋善篆隸大書詩歌

誠意伯劉基青田人以客應聘察乾象畫計定天下  
洪武三年授開國翊運守正文臣資善大夫護軍誠  
意伯祿二百四十石不世二十三年予世基孫薦嗣

卒法柜曇凡三世不世景泰三年錄七世孫祿世五  
經博士弘治十五年錄九世孫瑜處州指揮使嘉靖  
十一年進瑜誠意伯祿七百石再與誥券身免二死  
子一死二十八年瑜孫世延嗣有傳

永城侯薛顯蕭人從趙均用守泗降與漢突戰新城  
門以游軍取吳舟四十大火吳舟敗其五太子昇山  
從征陳理擒其將潑張攻下湖蘇取山東河南與傅  
將軍戰破擴廓帖木兒太原邀擊賀宗哲石州擊敗  
擴廓帖木兒寧夏絕塞窮追洪武三年坐妄殺胥吏  
獸醫火者馬軍千戶富封顯侯不券謫海南明年召



還乃授開國輔運推誠宣力武臣榮祿大夫柱國侯祿千五百石與世券與馮將軍北征還次山海關卒贈永國公予諡無子收券後坐黨以死不論

東勝侯汪輿祖巢人以張德勝義子襲職擊陳友諒張士誠從大將軍開中原洪武三年授開國輔運推誠宣力武臣榮祿大夫柱國侯祿千五百石以過未券四年征蜀死於軍給券與幼子竟除

西平侯沐英定遠人洪武十年以伐蕃部川藏功封開國輔運推誠宣力武臣階榮祿大夫柱國祿二千五百石與鐵券侯十六年卒追封黔寧王予諡二十

五年春嗣無子三十一年英次子晟嗣永樂六年以平交趾功封黔國公見永樂侯籍中英三子昂以都督守雲南贈定邊伯予諡有傳

右以開國功封

安慶侯仇成含山人從渡江遇敵先登彭蠡功最洪武十二年授開國輔運推誠宣力武臣榮祿大夫柱國侯祿二千石賜券與誓免二死世襲指揮十四年以征南副將軍討平四川水盡源通塔平散毛諸洞蠻從潁川侯征雲南爲多十七年益祿五百石世侯侯十九年卒追封皖國公予諡二十三年子泰嗣竟



除

永昌侯藍玉定遠人累功官都督洪武十二年以征西番功侯祿二千石與世券從潁川侯征雲南從宋國公勝征納哈出代勝爲征虜大將軍以十五萬人深入征虜捕魚海殺虜太子天保奴鹵虜少子地保奴及其妃主大臣百餘人降獲官會男婦八萬人二十二年進封涼國公六年坐謀反誅連萬五千人族有傳

永平侯謝成鳳陽人累功都督僉事以征西副將軍從西平侯討平西蕃洮州戎洪武十二年封開國輔運推誠宣力武臣榮祿大夫侯祿二千石世指揮使賜券與誓免二死侯十六年坐累卒除

鳳翔侯張龍鳳陽人累功都督僉事從西平侯討平西蕃洮州戎洪武十二年封開國輔運推誠宣力武臣榮祿大夫桂國侯祿二千石世指揮使賜券與誓免二死十四年以副將軍從潁川侯征雲南爲多益祿五百石侯十三年卒子麟尚福清公主竟除

安陸侯吳復合肥人以義兵自歸累功都督僉事從西平侯討平西蕃洮州戎洪武十二年封開國輔運推誠宣力武臣榮祿大夫桂國侯祿二千石世指揮



使賜券與誓免二死再征會定及廣西泗城州蠻殺獲甚衆侯五年卒追封黔國公予諡復賜券誥世侯益祿五百石竟除弘治十八年錄五世孫江副千戶予世

宣德侯金朝興巢人從渡江討閩浙累功都督僉事世指揮屬西平侯討平西蕃洮河戎洪武十二年授開國輔運推誠宣力武臣榮祿大夫柱國侯祿二千石世指揮使賜券與誓免二死侯四年以屬潁川侯征雲南卒于會川追封沂國公予諡十七年使子鎮世侯給券誓免死益祿五百石竟坐黨在死前除

懷遠侯曹興缺邑里累功都督僉事屬西平侯討平西蕃洮州戎洪武十二年授開國輔運推誠宣力武臣榮祿大夫祿二千石世指揮使賜券與誓免二死卒竟除

靖寧侯葉昇合肥人從渡江累功都督僉事屬西平侯討平西蕃洮州戎洪武十二年封開國輔運推誠宣力武臣榮祿大夫柱國侯祿二千石世指揮使賜券與誓免二死侯十五年坐藍黨誅除

景川侯曹震鳳陽人起開國屬西平侯討平西蕃洮州戎洪武十二年授開國輔運推誠宣力武臣榮祿



名山藏 卷之四十一  
大夫柱國侯祿二千石世指揮使賜券與誓免二死  
坐藍黨除

會寧侯張溫從取太平累功都督僉事屬西平侯討  
平西蕃洮州戎洪武十二年授開國輔運推誠宣力  
武臣榮祿大夫柱國侯祿二千石世指揮使賜券與  
誓免二死侯十五年坐藍黨誅除

雄武侯周武開州人從取江南累功都督僉事屬西  
平侯討平西蕃洮州戎洪武十二年授開國輔運推  
誠宣力武臣榮祿大夫柱國侯祿二千石世指揮使  
賜券與誓免二死卒竟除

定遠侯王弼定遠人鳩義兵附人名其能曰雙刀王  
累功都督僉事世指揮以副將軍從西平侯討平西  
蕃洮州戎洪武十二年授開國輔運推誠宣力武臣  
榮祿大夫柱國侯祿二千石世指揮使賜券與誓身  
免二死從潁川侯討平雲南十七年使世益祿五百  
石十一年卒竟除

右以征西功封

崇山侯李新鳳陽人從起滁累功都督僉事爲天子  
治方中洪武十四年授開國輔運推誠宣力武臣封  
侯祿一千五百石不世



名山藏 卷之四十一 右以營建功封

晉定侯陳桓定遠人從起兵累功都督僉事世指揮屬潁川侯征雲南洪武十七年授開國輔運推誠宣力武臣榮祿大夫柱國侯祿二千五百石賜券與誓身免二死子免一死侯十年坐藍黨誅除

東川侯胡海定遠人以軍百戶從起兵累功右軍都督僉事屬潁川侯征雲南洪武十七年授開國輔運推誠宣力武臣榮祿大夫柱國侯祿二千五百石賜券與誓身免二死子免一死侯七年卒子斌以指揮使戰沒雲南贈都督同知孫炳忠襲指揮僉事曾孫

靖玄孫鑑襲竟除

武定侯郭英鳳陽人從起滁泗渡江從戰禁江武昌從大將軍開中原鎮北平以前軍都督僉事屬潁川侯征雲南洪武十七年授開國輔運推誠宣力武臣榮祿大夫柱國侯祿二千五百石賜券與誓身免二死子免一死侯二十年卒追封營國公子諡子鎮尚永嘉大長公主先卒鎮子珍風痺不能侯珍弟玠借侯一輩天順元年珍子昌嗣弘治中良嗣正德三年勛嗣嘉靖十八年護駕巡承天進封翊國公坐繫死獄中二十九年守乾嗣四十九年大誠嗣

應



鶴慶侯張翼臨淮人從起兵累功前軍都督僉事屬  
穎川侯征雲南洪武十七年授開國輔運推誠宣力  
武臣榮祿大夫柱國侯祿二千五百石賜券與誓身  
免二死子免一死侯十年坐藍黨誅除

右以征南功封

航海侯張赫鳳陽人以千戶從起兵有功累後軍都  
督僉事轉漕遼左六歲洪武二十年授開國輔運推  
誠宣力武臣柱國侯祿二千石世侯三年卒追封恩  
國公子諡子榮自致功指揮使孫鑑永樂初以都指

揮從成國公征廣西畱鎮交陞竟除

舳艫侯朱壽缺邑里以萬戶從渡江積功累右軍都  
督僉事洪武二十年授開國輔運推誠宣力武臣柱  
國侯祿二千石世坐黨死除

右以海運功封

西涼侯濮璵廬人父英從宋國公受降納哈出殿其  
軍遇伏被虜自剖腹死一日征高麗兵敗被虜剖腹  
死洪武二十年贈金山侯子諡進贈樂浪公璵生數  
月侯二千五百石入朝被蹋賜鐫玉懸冠二十六年  
坐追論父黨戍五開竟除



右以父功封

東筦伯何真東筦人保廣州以降洪武二十年以湖廣左布政致仕封東筦伯祿千五百石世子榮嗣竟坐黨死除有傳

海西侯納哈出元木華黎裔孫降於宋國公洪武二十年侯祿二千石隨征雲南卒子察罕改封瀋陽坐黨死除

右以歸附封

金寧侯孫恪鳳陽人父興祖從渡江屢先登挫陳友諒張士誠軍從大將軍開中原以都督同知守燕無

害洪武三年屬大將軍北伐與胡戰死五郎口贈燕山侯予諡恪以父功嗣指揮以右參將屬永昌侯征胡至捕魚兒海拚身野戰二十二年侯祿二千石竟除

右以征胡功封

梁國公胡顯臨淮人父泉從起兵累都督同知顯襲父職以王親從楚昭王征銅鼓五開以都督僉事從靖寧侯征東川龍海諸蠻洪武二十二年授特進大夫柱國封梁國公建文三年坐交通楚王革爵父子竝安置臨襄山永樂元年遇赦授皇陵衛指揮僉事



名山藏 卷之四十一  
改同知竟除

永定侯張銓定遠人從渡江累功都督僉事從江夏侯征五溪諸蠻從潁川侯征烏撒諸蠻洪武二十三年授開國輔運推誠宣力武臣榮祿大夫柱國侯祿二千石賜誥券子孫世指揮竟除

右以征蠻功封

徽先伯桑敬無爲人父世傑與張士誠將戰死贈永義侯敬用父故授都督僉事洪武二十三年以功授推忠協謀武臣龍虎將軍上護軍伯祿五百石竟除

右以父功封

越巂侯俞通淵以參侍舍人累功屬西平侯征蠻洪武二十五年授開國輔運推誠宣力武臣榮祿大夫柱國侯祿二千五百石予誥世明年以罪削爵竟逾靖難師戰死白溝河除

右以征南功封

開國公常昇常遇春子見鄂國公侯籍下

右以續父封

歸德侯陳理漢友諒子以降侯洪武五年徙高麗承恩侯陳普才以陳友諒父侯除  
歸仁伯陳友富以陳友諒兄侯除



懷恩侯陳友直以陳友諒兄侯除

歸義侯明昇夏玉珍子以降侯洪武五年徙高麗

崇禮侯買的里八剌元順帝孫洪武三年以俘侯侯

五年遣歸

右以歸附封封國初侯伯名而已

右洪武年封公十二人侯五十五人伯六人世三

人續世五人除六十四人

歷城侯盛庸不詳其始建文中以參將與鐵鉉守濟

南數劫戰有功卽軍中拜侯充平燕將軍殺燕將張

玉譚淵成祖卽位勅守淮安竟誅

灤城侯李堅武涉人父英以開國功爲衛指揮力戰

死烏撒堅尚高帝大名公主以副將軍從長興侯與

燕將丘福戰不北侯已北白溝河傷刃械送北平道

卒予謚成祖卽位子莊以外生宥不敢受侯詩酒自

放

右建文年封侯二人除

淇國公丘福鳳陽人以小卒從靖難奪九門轉戰真

定夾河滄靈璧先登累中軍都督僉事洪武三十五

年授奉天靖難推誠宣力武臣特進榮祿大夫右柱

國中軍都督府左都督公祿二千五百石賜世券與



誓身免二死子免一死永樂七年以征虜大將軍出擊胡深入與師俱喪追削爵徙家嶺南除

成國公朱能定遠人以燕山中護衛副千戶從靖難奪九門克薊復遵化收密雲追獲灤河破雄定鄭擊真定援永平戰壩上取廣昌下蔚迎戰白溝大捷滄州夾河藁城收東平摧汶上自小河決策南師攻靈璧先登涉淮泗取盱眙遂入金川洪武三十五年以累功都督僉事授奉天靖難推誠宣力武臣特進榮祿大夫右柱國左軍都督府左都督公祿二千五百石世賜誥券與誓身免二死子免一死永樂四年以

征夷將軍討安南卒於軍追封東平武烈王其年勇嗣正統十四年從北征戰歿追封平陰王予諡景泰三年子儀嗣弘治九年子輔嗣嘉靖四年子麟嗣卒亡子八年弟鳳嗣十五年子希忠嗣萬曆二年子時泰嗣其年卒子應植嗣

成陽侯張武瀏陽人以燕山護衛百戶從戰真定破滹沱設伏夾河邀戰西水洪武三十五年以都督僉事授奉天靖難推誠宣力武臣特進榮祿大夫柱國中軍都督同知侯五百石賜世券與誓身免二死子免一死侯二年卒賻廩馬贈潞國公予諡亡子除



泰寧侯陳珪泰州人以馬軍總旗從開國累燕山中  
護衛副千戶從奪九門征雄取鄭擊真定援永平戰  
壩上破楊村鏖通州應援薊州追奔別山洪武三十  
五年以後軍都督府僉事封奉天靖難推誠宣力武  
臣特進榮祿大夫柱國後軍都督府右都督同知侯  
祿千二百石賜世券身免二死子免一死侯十八年  
卒追封靖國公予諡子璽自立功爲指揮使先卒次  
子愉嗣以從北征失機死獄二十二年璽子鍾嗣宣  
德五年灝嗣卒無子十年鍾次子瀛嗣正統十四年  
陣亡無子弟涇嗣成化八年桓嗣弘治七年璇嗣正

德七年儒嗣卒亡子嘉靖十三年桓次子璉嗣卒亡  
子二十四年弟瑋嗣嘉靖四十年良弼嗣

武安侯鄭亨合肥人以父用開國功爲副千戶持榜  
招胡陞指揮僉事從靖難定薊攻雄擊真定援永平  
收大寧戰壩上下廣昌戰白溝克滄鏖夾河捷藁城  
拔營西水至汴決南師收功靈璧洪武三十五年以  
中軍都督府僉事封奉天靖難推誠宣力武臣特進  
榮祿大夫柱國中軍都督府左都督侯祿千五百石  
予世券身免二死子免一死侯三十三年卒追封漳  
國公予諡宣德十年子能嗣正統十一年宏嗣成化



名山藏 卷之四十一  
十三年英嗣正德十三年綱嗣嘉靖二十八年崑嗣  
保定侯孟善海豐人以開國功歷燕山護衛正千戶  
從攻九門破松亭戰真定白溝濟南常山夾河藁城  
收保定軍萬三千洪武三十五年以都督僉事封奉  
天靖難推誠宣力武臣特進榮祿大夫柱國右軍都  
督府同知侯祿千二百石與世券身免二死子免一  
死侯十一年卒贈滕國公予諡子瑛嗣以其族兄指  
揮賢爲趙王謀變連坐削爵充爲事官備禦宣府宣  
德十年赦爲京衛世指揮卒子俊嗣官天順元年詔  
嗣伯詔文不世卒子昂嗣竟以不世除

同安侯火真以虜人歸附爲燕山護衛千戶從取太  
寧克真定戰白溝馳馬突陣手斬獲敗長興侯洪武  
三十五年以都督府僉事封奉天靖難推誠宣力武  
臣特進榮祿大夫中軍都督府都督僉事侯祿千五  
百石予世券身免二死子免一死侯八年從大將軍  
征虜沒除

鎮遠侯顧成江都人從高帝渡江累右軍都督府右  
都督建文三年從長興侯戰真定被執遣從世子居  
守北平洪武三十五年封奉天翊運推誠宣力武臣  
特進榮祿大夫柱國後軍都督府右都督侯食祿千



五百石世身免二死子免一死侯十三年卒贈夏國  
公予諡孫興祖嗣宣德中坐交阯事下獄正統十四  
年從征失律降都督同知景泰初予伯英宗復辟復  
侯鎮貴州有戰功加祿三百守南京卒天順八年孫  
淳嗣卒子成化九年淳從弟溥嗣卒予諡弘治十  
七年仕隆嗣卒予諡嘉靖七年寰嗣入平於大將軍  
靖安侯王忠孝感人以指揮款靖難師戰白溝濟南  
滄藁城率精騎爲奇兵洪武三十五年以都督僉事  
封奉天靖難推誠宣力武臣特進榮祿大夫柱國右  
軍都督府都督同知侯賜券與誓身免二死子免一

死祿千石世侯八年從大將軍福征虜歿亡子除  
武城侯王聰蘄水人以燕山百戶從取漁陽遵化狗  
涿戰南皮平滑口還守保定復南宮冀狗淮泗獲舟  
渡江洪武三十五年以都指揮使封奉天靖難推誠  
宣力武臣特進榮祿大夫柱國中軍都督府都督僉  
事侯祿千五百石賜券與誓身免二死子免一死侯  
八年從大將軍福征虜沒以嘗諫福輕師得追封漳  
國公予諡亡子除英宗初授姪孫玘爲彭城衛指揮  
僉事

永康侯徐忠合肥人以濟陽衛指揮僉事從克密雲



下雄攻真定復永平取大寧戰壩上克廣昌蔚戰白溝南軍斫兩指未殊自斷之暴盜戰席捲滄揚單橋拔無極撼彰德舉東阿大鑿靈壁冠軍洪武三十五年以都督僉事封奉天靖難推誠宣力武臣特進榮祿大夫柱國前軍都督府左都督侯祿千一百石賜券與誓身免二死子免一死侯十七年卒追封蔡國公予諡子安嗣成化十八年孫錡嗣正德八年源嗣嘉靖三十四年喬松嗣

隆平侯張信臨淮人父興從高帝渡江有功累指揮僉事信代父爲官累征貴州蠻有功陞北平都司都指揮僉事露情燕王從戰大寧克雄攻真定克大寧鄭村壩大戰破九門取蔚攻大同白溝濟南克滄征夾河藁城追大軍於定攻破西水寨從淝河殺敗南軍克泗殺南軍於淮遂克盱眙入金川洪武三十五年以都督僉事封奉天靖難推誠宣力武臣特進榮祿大夫侯祿千石世伯賜券與誓身免二死子免一死成祖不名之時時呼恩張永樂二十二年加少師洪熙元年嘉念舊人進世侯兩俸侯四十一年卒追封鄖國公予諡孫淳嗣十二年福嗣亡子天順二年弟祐嗣亡子弘治十七年從弟祿嗣正德十二年瑞



嗣坐姦淫失侯嘉靖三十七年弟子桐嗣萬曆三年炳嗣

安平侯李遠懷遠人父實用開國功累官蔚州衛指揮僉事遠嗣父爲官從靖難攻大同破滄狗東平汶上沛沙河渡淮斷南餉洪武三十五年以都督僉事封奉天靖難推誠宣力武臣特進榮祿大夫柱國中軍都督府都督同知侯祿千石世伯賜券與誓身免二死子免一死侯八年從大將軍福征虜沒追封莒國公予諡子安嗣洪熙元年爲交趾參將失律宣德二年奪侯立功英宗卽位起右軍都督僉事守其肅

累功都督同知從征麓川失律正統七年謫立功子清以父兩失律不得侯除

成安侯郭亮合肥人父聚以小軍從開國征進西屬北虜陞授百戶亮嗣累父爲官得世副千戶守永平從靖難戰敗都督瓛都督文擊却遼東兵洪武三十年五年以都督僉事封奉天靖難推誠宣力武臣特進榮祿大夫柱國左軍都督府都督同知侯祿千二百石世伯賜券與誓身免二死子免一死侯二十二年卒追封興國公予諡子晟嗣亡子天順三年弟昂嗣爲伯成化六年鑛嗣弘治六年寧嗣亡子嘉靖元年



弟子瓚嗣二十七年應乾嗣

思恩侯房寬陳州人以濟南左衛指揮從魏國公練兵北平爲北平行都司都指揮從靖難戰白溝濟沛江淮有功洪武三十五年以都督僉事封侯祿八百石世指揮使侯八年卒

興安伯徐祥大冶人以陳友諒萬戶歸附從軍授燕山左衛百戶從靖難奪九門攻居庸戰鄭真定援永平擊走遼東兵從下大寧捷壩上大戰白溝取滄威深夾河藁城西水小河靈璧洪武三十五年以都指揮使封奉天翊衛宣力武臣特進榮祿大夫柱國伯

祿千石世賜券與誓身免一死子免一死封三年卒孫亨嗣以征虜功進侯天順四年賢嗣成化十六年盛嗣亡子正德三年弟子良嗣嘉靖十三年勳嗣二十年夢暘嗣

武康伯徐理西平人從開國軍歷永清衛指揮僉事從靖難敗都督貞寬河戰白溝斬先鋒追奪至雄轉戰濟南滄德夾河戰敗盛庸軍援水西捷小河克泗揚入金川洪武三十五年以都督僉事封奉天翊衛宣力武臣特進榮祿大夫柱國伯祿千石封七年卒子禎嗣正統九年勇嗣亡子除



襄城伯李濬和州人父旺從渡江歷燕山左護衛副千戶濬襲父官從靖難執謝貴張昺收九門攻居庸克薊募兵密雲征雄鄭破真定取大寧壩上底於容城戰白溝略齊魯汴河底於靈璧平淮泗浮江入金川洪武三十五年以都指揮同知封奉天翊衛宣力武臣特進榮祿大夫柱國伯祿千石世賜券與誓身免一死子免一死封四年卒子隆嗣永樂四年珍嗣未室從死於土木景泰元年異母弟瑾嗣成化中屢征四川貴州蠻有功進侯累加太保兼太子太傅卒弘治二年黼仍嗣伯亡後十二年瑾異母弟子鄜嗣

正德四年全禮嗣嘉靖二十年應臣嗣

信安伯張輔祥符人從父玉奪九門取薊破遵化密雲底灤河永平大寧壩上廣昌蔚白溝東昌玉戰沒東昌軍輔從西南下率先小河賈勇鳳山大捷靈璧下泗涉淮以入金川洪武三十五年以都指揮同知封奉天翊衛宣力武臣特進榮祿大夫柱國伯祿千石世賜券與誓身免二死子免一死追封王奉天靖難推誠宣力武臣特進榮祿大夫右柱國榮國公予諡永樂三年以父功進授奉天靖難推誠宣力武臣特進榮祿大夫柱國新城侯祿千五百石世仍免身



二死六年以征安南功加封奉天靖難推誠宣力武  
臣進榮祿大夫右柱國英國公祿三千石世身免二  
死子免一死二十一年加太師宣德四年陞授奉天  
靖難推誠宣力輔運武臣特進光祿大夫柱國正統  
三年以修宣宗實錄加授奉天靖難推誠宣力輔運  
佐理武臣加祿二百石正統十四年從駕沒土木追  
封定興王予諡孫懋嗣卒追封寧陽王予諡正德十  
年崙嗣嘉靖十四年溶嗣萬曆年子元功嗣  
新昌伯唐雲不詳其始常在燕王左右年長諸將諸  
將皆下之以見親倚從王師爲燕世子禦敵無所失

利洪武三十五年以都指揮使封奉天翊衛宣力武  
臣特進榮祿大夫柱國伯祿千石子孫世指揮使封  
二年卒

應城伯孫巖鳳陽人從渡江累功千戶致仕從靖難  
守通突門力戰追奔張家灣掠餉舟三百還守城敗  
遼東兵洪武三十五年以都指揮僉事封奉天翊衛  
宣力武臣特進榮祿大夫柱國伯祿千石賜誥券與  
誓身免一死子一死封十六年卒贈翼城侯予諡子  
亨先立功薊永平鄭村壩大同白溝滄彰德靈璧入  
金川門歷河南都指揮卒永樂二十二年英嗣亡子



二十二年弟傑嗣景泰三年繼先嗣坐犯受財枉法革爵閒住弘治十六年鉞嗣嘉靖十九年孫永爵嗣

三十五年文棟嗣

年允恭嗣

富昌伯房勝不詳其始以通州指揮舉通歸燕洪武三十五年以都指揮僉事封奉天翊衛宣力武臣特進榮祿大夫柱國伯祿千石子孫世襲指揮使

忻城伯張彝虹人祖啓宗父祥從高帝爲百戶以戰死彝以父官從穎國公征胡歷永平衛指揮僉事以永平降燕有功洪武三十五年以都指揮使封奉天靖難翊衛宣力武臣特進榮祿大夫柱國侯祿千石

與誥券身免一死子免一死封二十五年卒子榮嗣隨駕征進有功卒成化四年溥嗣亡子弘治十八年弟子權嗣正德十三年武嗣嘉靖三十七年祖胤嗣亡子嘉靖四十二年弟祖征嗣

雲陽伯陳旭全椒人父彬以開國功爲指揮僉事旭從靖難戰真定山東渡淮洪武三十五年以都督僉事封奉天翊衛宣力武臣特進光祿大夫伯祿千石與世券侯九年從征交趾卒於軍亡子除

廣恩伯劉才霍丘人以故元將歸高帝累官指揮僉事從靖難有功洪武三十五年以都督僉事封奉天



翊衛推誠宣力武臣特進榮祿大夫柱國侯祿千石  
子孫世襲指揮同知洪熙中許世指揮使  
右以靖難功封

名山藏卷之四十二

臣何喬遠恭輯

勳封記二

新寧伯譚忠滁清流人父淵以嗣開國功為燕山副  
千戶從靖難奪九門永平大寧真定藁滄以都督同  
知與南軍戰夾河死軍中洪武三十五年贈崇安侯  
予諡追封特進榮祿大夫柱國伯祿千石賜世券與  
誓身免一死子一死宣德二年坐征交趾失律下獄  
赦出侯三十二年卒子璟嗣正統十三年裕嗣天順  
元年祐嗣祐總兵京營恭謹守法累加太傅兼太子



太傅卒予諡嘉靖五年綸嗣總兵湖廣坐占役軍丁至二百五十以上革爵閒住二十七年功承嗣隆慶元年國佐嗣

右以父功封

忠誠伯茹瑄衡山人以貢士累兵部尚書建文君使入燕求和無所白燕王入金川首勸進洪武三十五年封奉天翊運守正文臣特進榮祿大夫柱國太子少保兼兵部尚書伯祿千石止其身坐歸里出長沙不謁谷王頌繫卒全家戍河池仁宗卽位賜歸

順昌伯王佐不知所始以都督同知入燕講和通謀

獻金川洪武三十五年封奉天翊運宣力武臣特進榮祿大夫柱國中軍都督府都督同知伯祿千石子孫世襲指揮使三年鎮雲南有罪下獄死除

平江伯陳瑄合肥人父聞以開國歷指揮同知坐罪

瑄代父謫戍遼陽與賈哈刺再日二十戰累進都督

僉事建文時召防江具舟迎北軍洪武三十五年封奉天翊運宣力武臣特進榮祿大夫右軍都督府都督僉事伯祿千石子孫世襲指揮使賜券與誓免一

死以總兵治漕內渠有功洪熙元年許世身免一死子免一死封三十二年卒追贈侯予諡贈太保兼太



子太傅子佐嗣卒追封侯贈太保兼太子太保正統二年豫嗣十三年以總兵出軍征福建叛寇有功其明年勦寇首鄧茂七進侯益祿百石景泰二年賜券卒贈太保兼太子太傅追封黔國公予諡天順八年銳嗣鎮兩廣勦蠻賊還總漕皆有功益祿二百累進太傅兼太子太傅卒弘治十六年熊嗣熊總漕不能當中貴人劉瑾逼索坐多置田宅漁民充軍海南瑾誅復爵卒子圭幼給祿卒亡子嘉靖元年弟子圭嗣卒加太保兼太子太傅予諡三十四年王謨嗣

永春侯王寧壽州人尚太祖女懷慶公主爲駙馬都尉以不附權勢誣陷洪武三十五年封奉天輔運推誠劾義武臣特進光祿大夫柱國駙馬都尉侯祿千石世給誥券侯六年下獄卒除

右以推戴功封

廣平侯袁容壽人父洪以開國功官都督容尚燕永昌郡主以儀賓守北平永樂元年進郡主爲公主容爲駙馬都尉祿千石其年再論功封奉天靖難推誠宣力武臣特進光祿大夫柱國侯益祿五百與世券洪熙初僅與駙馬祿宣德元年與侯祿卒贈沂國公予諡四年子禎嗣卒亡子庶子瑄嗣長陵衛指揮僉



事天順元年與瑄侯卒其後世指揮

富陽侯李讓舒人父申以開國功官指揮同知讓尚燕永平郡主以儀賓與袁容協守北平執謝貴取大寧戰白溝有功力戰破平安兵九門建文帝殺申族之永樂元年進郡主爲公主讓爲駙馬都尉其年再論功封奉天靖難推誠宣力武臣特進榮祿大夫柱國侯祿千石卒贈景國公予諡八年茂芳嗣二十二年坐事奪券卒子輿正統二年授長陵衛指揮僉事天順元年嗣伯卒子欽授指揮僉事如故

豐城侯李彬定遠人或曰和人父信以開國功僉假指揮彬嗣官爲真從靖難攻薊轉戰雄鄭真定援永平克大寧蹂躪上畧廣昌蔚白溝滄單橋藁城追奔順德哨定爲最永樂元年再論功以都督僉事封奉天靖難推誠宣力武臣特進榮祿大夫柱國同知右都督府事侯祿千石賜世券與誓身免二死子一死六年以與征蠻將軍輔征交趾有功益祿五百石封二十二年卒贈茂國公予諡二十一年賢嗣卒封豐國公予諡景泰四年勇嗣成化十四年加太子太保卒成化十九年璽嗣卒亡子勇庶子旻正德三年嗣嘉靖二年以奉迎防守功加太子太傅卒亡子十年



弟早子熙嗣卒亡子三十六年從子儒嗣萬曆元年  
環嗣

寧陽伯陳懋壽人父亨以開國功累都督僉事建文  
初爲大寧行軍都督從燕戰場上先登死鐔山贈涇  
國公予諡懋以舍人從父兵爲前行有功鄭村濟夾  
河東阿東平汶上竟靖內難永樂元年再論功以中  
府右都督封奉天翊衛推誠宣力武臣特進榮祿大  
夫柱國伯祿千石賜世券與誓身免二死子一死七  
年捕虜赤保連進侯軍中益祿三百石身免二死子  
一死二十二年以累征虜有功加太保洪熙元年與

世侯正統元年坐總兵守邊失機閒住五年仍給祿  
景泰三年加太子太保天順元年加祿二千石卒贈  
濬國公予諡長子晟先坐事充軍七年懋庶子潤嗣  
卒亡子成化七年懋庶子瑛嗣二十二年晟子輔仍  
侯弘治元年坐荒淫失侯卒亡子正德元年瑛孫繼  
祖嗣嘉靖三十七年維藩嗣隆慶二年大紀嗣萬曆  
元年應詔嗣

武義伯王通咸寧人父真以開國功爲燕百戶從燕  
攻九門有功歷都指揮使戰死淝河永樂元年追封  
金鄉侯予諡進贈寧國公再論通靖難功封特進榮



祿大夫柱國伯祿千二百石賜世券與誓身免一死  
子免一死七年爲天子治方中十三年進封成山侯  
予世二十三年給侯券身免二死子免一死以父功  
益加千石宣德元年以征夷將軍鎮交陞黎利反不  
能守繫獄籍爲民正統十四年起爲都督僉事以禦  
虜功陞同知卒子琮授景陵衛指揮僉事天順元年  
復琮成山伯卒成化十年鏞嗣卒嘉靖四年洪嗣卒  
二十五年維熊嗣卒隆慶四年應龍嗣

清遠伯王友荆人父榮以開國功爲燕山護衛百戶  
友嗣父官從燕累功永樂元年再論功以都指揮僉  
事封奉天翊衛宣力武臣特進榮祿大夫柱國伯祿  
千石六年征交陞有功進封奉天靖難推誠宣力武  
臣特進榮祿大夫柱國侯予世券七年坐轉餉胡中  
後期餒死士奪兵八年坐縱虜失律下獄論死久得  
釋子順以征胡立功陞指揮僉事卒庶子鑑嗣都指  
揮使

榮昌伯陳賢壽人以開國功爲指揮僉事從燕先鋒  
有功永樂元年再論功以都督府僉事封奉天翊衛  
宣力武臣特進榮祿大夫柱國伯祿千石予世券卒  
十三年子智以自獲功爲指揮使十三年嗣坐鎮交



名山藏 卷之四十一 二 六  
陞失利奪侯正統中會赦爲宣府左衛指揮使卒孫  
勇勇子雄皆都指揮同知

安鄉伯張興壽人以勇士從開國累功指揮僉事從  
燕奪九門取薊遵化密雲鄭雄真定永平力戰大寧  
壩上蔚大同滄東昌夾河藁城下西水竟靖內難永  
樂元年再論功以都指揮同知封奉天翊衛宣力武  
臣特進榮祿大夫柱國伯祿千石予世券卒亡子十  
七年兄子勇嗣坐隨駕征沙漠爲事發總旗交陞十  
年赦復卒十五年子安嗣安與苗戰死軍中亡子景  
泰三年弟寧嗣弘治六年恂嗣正德二年孫坤嗣嘉

靖三十三年鐸嗣亡子四十年弟鉉嗣 年世恩

嗣

遂安伯陳志巴人以開國功累燕山中護衛指揮僉  
事從燕奪九門戰懷來雄鄭真定援永平復大寧趨  
壩上下蔚先登白溝夾河摧藁城追奔彰德守王城  
門赴急保定永樂元年再論功以都指揮同知封奉  
天翊衛宣力武臣特進榮祿大夫柱國伯祿千石賜  
世券與誓身免一死子免一死志有子良坐罪充軍  
生子瑄次子春指揮僉事有隨征功生子瑛永樂八  
年志死瑄瑛爭嗣天子曰瑄長瑛功闡之瑛得伯卒



正統十一年填嗣十四年隨駕沒土木亡子其年弟  
韶嗣成化中坐受財枉法當死發遼東立功久之赦  
還復爵弘治七年加太子太保十一年加太子太傅  
卒十七年鍾嗣嘉靖二年以迎立防守功加太子太  
保卒隆慶六年孫澍嗣

右以靖難功封

定國公徐景昌鳳陽人父贈壽中山武寧王次子以  
戰功爲右軍左都督數從燕王出塞征乃兒不花於  
燕爲密靖難兵入金川增壽爲建文君所殺洪武三  
十五年追封武陽侯予諡永樂二年加贈定國公封

景昌欽承祖業推誠奉義武臣特進榮祿大夫右柱  
國公祿二千五百石賜世券與誓身免二死子一死  
二十二年坐劾奪爵洪熙元年還公卒正統三年顯  
忠嗣景泰六年永寧嗣疾失心成化二年坐誤毀制  
書還爵閒住卒弘治十七年孫光祚嗣嘉靖二年論  
奉迎防守功加兼太子太傅五年以修睿帝實錄加  
太師兼太子太師卒嘉靖八年延德嗣卒隆慶元年  
文璧嗣

加太子太傅

右以父恩封

西寧侯宋晟定遠人從渡江累官右軍都督僉事永



樂三年以平羗將軍諭降把都帖木兒倫篤兒灰郎  
軍中封推誠輔運宣忠効力武臣特進榮祿大夫柱  
國後軍都督府右都督祿千百石子孫世襲指揮使  
犯罪免一死卒永樂六年許其子琥侯洪熙元年奪  
侯與其弟瑛瑛禦虜敗沒進封鄆國公景泰元年傑  
嗣卒天順元年誠嗣卒亡後二年誠弟讓嗣成化十  
一年愷嗣正德十六年良臣嗣嘉靖三十四年天馴  
嗣嘉靖四十五年公度嗣卒  
年世恩嗣有  
傳

右以征西功封

黔國公沐晟西平侯子以左都督襲侯永樂六年以  
與征蠻將軍輔擒黎季犛斬馘最進封顯忠輔運推  
誠宣力武臣特進榮祿大夫右柱國黔國公祿三千  
石賜世券與誓身免二死子一死世鎮雲南二十二  
年加太傅正統三年征麓川班師道卒追進定遠王  
予諡凡侯三十歲正統五年斌嗣成化元年琮嗣十  
九年以削平鍊索箐諸賊功加太子太傅卒亡子弘  
治十年姪崑嗣正德十六年紹勳嗣嘉靖十五年朝  
輔嗣二十六年融嗣幼以朝輔弟朝弼爲都督僉事  
領鎮卒亡子弟鞏嗣天二十八年朝弼嗣公隆慶四



年奪爵罷鎮使其子昌祚嗣朝弼嬖孽子欲奪之竟  
逮死於南京

安遠伯柳升懷寧人父崇開國功嗣百戶從燕取懷  
來密雲白溝東平有功六年以與征蠻將軍輔征交  
陞論功封奉天翊衛宣力武臣特進榮祿大夫柱國  
伯予世券八年北征至玄冥河進流侯益祿五百石  
仍世伯身免一死子免一死二十二年從駕征至蒼  
崖峽免州力河慶州有功加太子太傅與世侯宣德  
二年以征虜副將軍再征交陞傷鏢卒追封融國公  
予諡凡封二十一年子溥嗣景泰三年加太子太傅

五年加太子太師天順元年加太傅二年奪太傅閒  
住四年復侯卒子承慶痺不能侯五年孫景嗣弘治  
中坐贓死二命奪侯久之復閒住卒弘治十六年文

嗣嘉靖十二年

嗣

建平伯高士文咸寧人以開國雲南塞北功陞燕山  
護衛百戶從靖難戰大寧廣昌白溝夾河東平陷陣  
先登以都督僉事征交陞平其餘寇進追賊中飛砲  
死贈伯使子福嗣食祿千三百石與世券卒子遠嗣  
卒子震病不能嗣弟進嗣卒無子弟子震嗣卒無子  
義子李繼宗冒嗣竟除



右以征安南功封

寧遠侯何福未詳何許人以開國功累官都督僉事永樂初以都督同知為征虜前將軍總兵鎮陝西寧夏節制甘肅河南山西諸兵七年撫歸附酋虜即軍中封侯祿千石八年以罪自經死追奪侯有傳

恭順侯吳允誠永樂三年以北胡歸附陞右府都督僉事賜姓名累征胡有功九年以左都督封伯食祿千二百石賜誥卒十六年子伯客賜名克忠嗣洪熙元年以從征擒胡功進侯予世食祿千二百石身免二死子免一死賜誥券正統九年以擒胡喜峰口加

太子太保十四年從死於土木子瑾嗣天順五年與曹欽戰死成化五年子鑑嗣正德二年子世興嗣嘉靖二十七年子繼爵嗣四十二年加太子少保忠勇王金忠永樂二十一年以虜歸成祖塞外封忠勇王賜姓名洪熙初加太子太保支二俸宣德四年進太保除

廣寧伯劉榮以小旗從靖難歷中軍右都督永樂十七年以左都督充總兵官鎮守遼東用捕倭功封奉天翊衛宣力武臣特進榮祿大夫柱國伯祿千二百石賜券與誓身免一死子免一死卒追封侯予諡十



八年湍嗣亡子宣德十年弟安嗣天順元年進侯五年加太子太傅卒追贈嶧國公成化十二年兄子瓘嗣子璇予錦衣正千戶瓘卒亡子成化十六年璇仍嗣伯弘治二年佶嗣嘉靖二年泰嗣三十一年允中嗣

安義侯郭義泰安州人以張士誠小較拔歸太祖立功山東河南征王保保破雪山等寨克四川出寨征胡陞燕山護衛副千戶從靖難取懷來破雄下鄭克真定援永平取大寧鏖戰壩上殺傷過當累陞中軍都督十八年侯祿千一百石世指揮使

陽武侯薛祿膠人以卒從靖難奪九門攻薊破雄鄭圍真定擒駙馬堅援永平襲大寧旋師解北平圍戰白溝夾河滹沱先登被擒單橋奮縛斬守兵再力戰大敗平安軍轉戰淮陞督府僉事從征胡有功進右軍都督永樂十一年侯祿千一百石世指揮使從征胡洪熙元年充鎮朔大將軍巡邊戰虜大松嶺斬獲多與世券加祿五百宣宗中以先鋒擒高煦畱鎮樂安明年從巡邊出會州戰敗虜充鎮朔大將軍護餉開平再巡邊戰虜鳳凰嶺斬其酋收孳畜數萬加大保侯年卒贈鄞國公予諡誥嗣景泰四年琮嗣



名山藏 卷之四十一 二  
成化十五年倫嗣嘉靖九年翰嗣亡子祿次子讚之  
孫幹嗣

惠安伯金玉不詳所始永樂七年以督府僉事從出  
塞護輜重十八年封伯流祿八百石世指揮使

永順伯薛斌昌平人嗣父爲燕山右護衛指揮僉事  
從靖難累功歷陞都督同知永樂十八年封伯流祿  
九百石世指揮使卒仁宗使子嗣賜名綬正統十四  
年沒土木贈侯予諡景泰元年輔嗣成化十二年勳  
嗣正德六年授子璽指揮使如初券

武進伯朱榮沂人以開國功累陞太寧前衛左所副  
千戶從靖難累功歷陞左府都督僉事永樂四年征  
交趾胡寇皆有功永樂二十年封奉天翊衛宣力武  
臣特進榮祿大夫柱國伯祿一千二百石子孫世襲  
賜誥券卒追封侯予諡洪熙元年冕嗣正統四年充  
總兵官鎮守大同死土木贈侯予諡子瑛嗣天順四  
年雲嗣亡子成化十年弟霖嗣弘治二年潔嗣正德  
三年本嗣亡子十二年潔弟江嗣亡子嘉靖十八年  
從弟海嗣嘉靖三十七年承勳嗣隆慶六年世雍嗣  
安順伯薛貴昌平人以舍人從靖難脫成祖於險累  
功陞都指揮使再從征胡功陞督府僉事永樂二十



名山藏 卷之四十三 二  
年封伯祿九百石洪熙元年予世宣德元年進侯加祿三百石與券卒亡子贈濱國公予諡宣德十年命其弟可可帖木兒世京衛指揮使

右永樂年封王一人公五人侯二十三人伯二十  
六人世二十七人除二十七人停一人

保定伯梁銘汝陽人嗣父燕山護衛百戶從靖難守戰積功爲都督府僉事洪熙元年進同知充參將出鎮寧夏論靖難守城功封伯祿千石與世券宣德初卒交趾軍中子瑤嗣正統十四年充副總兵征鄧茂七有功師旋餘黨復亂被劾降爲事官景泰二年充

平蠻將軍征湖貴寇韋同烈平之三年進流侯加祿五百石世伯天順元年充總兵鎮守陝西虜寇涼州擊走之居七年召還與世侯卒贈蠡國公予諡瑤數掌兵不安殺子弟從征以功授官悉辭不受子傅嗣  
年子任嗣  
年子永福嗣  
年子繼藩嗣

世

清平伯吳成買驢遼東人洪武二十年來歸附充永平衛總旗從靖難有功累陞山西都指揮使歷征胡有功臣宗卽位以洪熙元年以左都督征大松擒生斬首封奉天翊衛宣力武臣特進榮祿大夫柱國伯



祿千百石賜誥券身免一死子免一死宣德四年進侯八年卒追封渠國公予諡十年孫英仍襲伯天順八年子璽嗣成化十五年從弟琮嗣正德三年傑嗣嘉靖二十年家彥嗣萬曆四年國乾嗣世

廣義伯吳管者從父允誠自胡中降附擒獲脅叛胡人從出塞斬虜降附部落歷陞左都督洪熙元年封伯祿千石與世券卒子琮嗣竟除

忠勤伯李賢韃靼人故元兵部尚書名丑驢洪武中歸附賜姓名譯虜書侍仁宗東宮恭慎擢紀善論靖難功陞都指揮僉事仁宗卽位進右都督以征胡功

封伯祿千百石年八十餘卒除

右以征胡功封

右洪熙年封伯四人世二人除二人

崇信伯費瓛定遠人祖愚以開國功歷陞燕山中護衛指揮使瓛代父爲官從靖難陞右軍都督府左都督鎮守甘肅撫綏勞俸宣德元年眷念舊人封奉天翊衛宣力武臣特進榮祿大夫柱國伯祿千百石世與券身免一死子免一死卒宣德三年子釗嗣成化八年淮嗣弘治十一年柱嗣卒亡子嘉靖十年弟棧嗣十八年煒嗣三十五年坤嗣萬曆二年甲金嗣



奉化伯滕定父瓚住明初以元樞密知院自山後來降賜姓授會州衛指揮僉事從靖難歷燕山右衛指揮使定嗣官以金吾左衛都指揮同知出塞征胡累有功宣德四年封伯祿八百石券不世卒官子福指揮使

會寧伯李英明初父南哥自西陲來降授西寧衛管軍所鎮撫招撫西番八族累功陞西寧衛指揮僉事英嗣官從成祖征胡戰敗老的沙於涼州永昌後再從征胡累都督指揮同知洪熙元年虜安全王之殺掠使臣者掠男女千餘人駝馬十三萬仁宗勅勞之

曰古名將陞右軍都督府左都督宣德二年勦平揉邊西番卽兒加四年封伯祿千一百石鎮守西寧英才略有膽所部皆西邊精銳士當者輒破敗七年坐史昭陳通構讒下詔獄削爵正統中官其子昶錦衣指揮同知天順元年進都指揮使累官督府予世錦衣使

順義伯金順故名阿魯哥失里永樂七年自瓦剌來降授大寧都指揮僉事八年從北征追敗本雅失里阿魯台進同知洪熙元年陞都督府僉事宣德三年從巡邊擒虜四年以舊勞封伯祿八百石卒官子忠



指揮僉事

右宣德年封伯五人世一人除四人

定西侯蔣貴代父爲燕山中護衛軍從靖難陞昌國衛指揮同知征胡有功陞都指揮僉事以勦捕松潘累攻西番蠻寇自都指揮同知累都督同知充總兵官鎮守松潘等處正統三年以右都督副總兵征朶兒只伯斬捕首虜中律封奉天翊衛宣力武臣特進榮祿大夫柱國伯祿千二百石予世賜券身免一死子免一死七年以征麓川功進侯祿千五百石身免二死子免一死卒追封涇國公予諡孫琬嗣成化中

累加太保兼太子太傅卒追封涼國公二十三年驥嗣正德四年薨嗣嘉靖十一年傳嗣卒無子三十五年弟佑嗣萬曆二年建元嗣

會川伯趙安狄道人從兄琦爲土指揮同知坐罪死安謫戍甘州永樂元年進馬除臨洮百戶使西域從北征歷功陞指揮同知宣德二年以都指揮同知充參將征松壘番散刺五年以督府僉事充參將從史昭討曲先十年援甘涼鎮番正統元年以都督同知充副總兵征朶兒只伯捕首虜中律封伯祿千石流卒子英爲指揮使以功陞督府同知卒予世指揮使



寧遠伯任禮臨漳人以燕山護衛軍從靖難累功陞都督指揮同知四從出塞征胡陞都督府僉事宣德元年以都督同知征漢正統三年以右都督總兵征朶兒只伯斬捕首虜中律封伯祿千二百石流十二年降沙州都督喃哥等十年與世伯卒贈侯予諡子壽嗣壽鎮守陝西征滿四失律論死宥戍邊與世指揮使

修武伯沈清滁人世官燕山百戶從靖難累指揮同知出塞征胡陞督府僉事洪熙元年充參將守居庸宣德初從征漢扈駕出大寧再進都督正統元年與

太監安工部尚書中修建京師九門城樓六年以營建宮殿功封祿千一百石伯一年卒予諡子榮嗣沒土木削爵景泰三年子煜仍嗣減祿三百石天順初贈榮侯予諡成化十三年煜坐淫酗失侯卒子棋嗣卒亡子第坊嗣卒弘治十四年以清伯非軍功予錦衣世指揮使

永寧伯譚廣丹徒人從靖難再從出塞征胡以都督鎮守宣府正統六年捕虜獲胡馬中律封奉天翊衛宣力武臣特進榮祿大夫柱國伯祿千二百石流侯四年卒見臣林子孫世指揮使



平鄉伯陳懷合肥人父甄以開國功爲真定副千戶懷嗣官陞通州正千戶從靖難歷陞都指揮僉事守遼東永樂六年以白堂海口功陞都指揮使從出塞陞都督同知以總兵勦松番斬捕功多陞都督正統九年以總兵出古北口捕斬首功虎頭山封伯祿千一百石流侯五年歿土木贈侯予諡以其父子歿於軍予子黼嗣伯卒仍與子政伯卒以政有用兵兩廣功與子信嗣伯卒與世指揮使靖遠伯王驥東鹿人正統七年以兵部尚書總軍雲南勦平麓川寇封推誠宣力武臣特進榮祿大夫柱

國伯祿千二百石身免一死子孫世指揮同知八年復征麓川擒獲黨賊首六十餘人九年加祿米三百石十三年總督軍務征勦孟養賊子思機發首奪金沙大江攻破賊柵擒獲賊黨十四年勦殺湖貴苗賊首剗平王景泰元年予世加祿米百石賜券天順元年改封奉天翊衛推誠宣力守正文臣特進光祿大夫柱國加祿百石凡伯十一年卒贈侯予諡子瑞嗣成化七年添嗣十九年憲嗣正德十年瑾嗣萬曆元年學詩嗣卒亡子四年弟學禮嗣忠勇伯蔣信故名把台以也先土千甥從降歷戰塞



北有功陞都督正統中封伯祿千石土木敗降也先也先令居其弟賽罕王部下竟從上皇歸卒贈侯子諡

右正統年封侯一人伯八人世二人除七人

昌平伯楊洪六合人祖政立功世漢中百戶洪嗣官調開平累功都指揮正統初以都督守獨石敗虜宣府大石門寶昌州捕虜阿台打刺花斬首功二百十三年封伯祿千石充總兵鎮宣府十四年坐英宗駕陷虜逮繫獄虜犯京師出獄立功與孫鏗范廣等擊虜涿州紫荆等處遂至固安大捷捕虜阿歸等四十

八人斬首功四百八十邀還俘掠人萬計馬牛弓刀數萬虜退進侯景泰二年賜世券還鎮宣府卒贈穎國公子諡子傑嗣侯卒亡子庶兄俊先以擒叛者喜寧功陞都督坐罪論死得降都督僉事嗣侯卒復坐法當死失侯子珍嗣天順元年坐黨附于謙伏誅珍戍廣西天順八年赦還授龍虎指揮使孫越調開平武清伯石亨渭南人嗣伯父爲寬河衛指揮僉事以出征有功累陞都指揮使正統十二年遷大同左參將守萬全十四年以英宗駕陷虜繫獄虜犯京師出獄立功戰虜安定門蹂之彰義門追敗之清風店論



功封伯尋進侯兼太子太師總京營天順元年以奪門迎駕功進封忠國公賜奉天翊衛推誠宣力佐理武臣特進光祿大夫右柱國給誥券身免三死子免二死進封三代祿三千石天順四年繫獄死除定襄伯郭登武定侯諸孫也正統七年以勳衛從征麓川九年從征騰衝有功歷署都指揮僉事十四年虜入塞進都督僉事副劉安守大同歷陞右都督景泰元年破虜栲栳山論功封伯祿千一百石與世券天順元年奪爵爲都督僉事南京尋謫戍甘肅成化年復爵鎮之召還充團營總兵八年卒贈侯予諡

子以兄子嵩爲後得嗣減祿五百卒予世指揮使撫寧侯朱謙夏邑人祖明國初歸附爲小旗子真代役累軍功歷鳳陽畱守左衛指揮僉事謙襲父爲官累征迤北有功陞萬全都司都指揮使充右參將鎮守萬全累擒斬虜賊歷後府左都督奉勅充總兵鎮守宣府英宗北狩率子永出謁犒軍勞虜景泰元年捕虜龍門關中律封伯祿千一百二十石侯一年卒永嗣追給謙誥券奉天翊衛宣力武臣特進榮祿大夫柱國伯予世天順元年用宣府謁駕進侯成化二年以削平荆襄反者劉千斤斬獲首級三千上生擒



五千進侯增歲祿百二十石追予謙諡六年征進虜  
酋呵囉累擒斬予世侯十四年統軍魚兒河等處擒  
斬虜加太子太保十五年增祿米六十石其年征建  
州夷結朶顏遼東塞功最進太子太傅奉天翊衛推  
誠宣力佐理武臣特進光祿大夫右柱國保國公祿  
千五百石予誓身免二死子免一死流十七年禦虜  
亦思馬於大同戰海山生擒賊予世二十二年加太  
傅兼太子太師弘治五年陞太師兼太子太師弘治  
九年卒追封宣平王予諡自侯至公凡四十二歲子  
暉嗣正德七年麒麟侯嘉靖十七年岳嗣亡子隆慶

二年從弟岡嗣

南和伯方瑛全椒人曾祖得銘從軍國初爲百戶祖  
信替職有功陞正千戶父政從靖難累都指揮僉事  
永樂二年征交趾剿殺蠻寇陞都指揮攻黃山洞宣  
德八年鎮守四川收捕西北任昌黑虎等寨累陞右  
都督正統二年總奇兵征麓川死於軍追封威遠伯  
予諡瑛襲父官爲指揮使乞領父兵從定西伯報讎  
先登破賊寨陞都指揮同知六年從靖遠伯征麓川  
殺獲賊陞都指揮使攻破杉木籠寨生擒賊首陶孟  
靠等功陞都督僉事充參將守備雲南孟養阿嶺等



處破敵戰勝景泰元年以都督同知充參將鎮守貴州殺退苗賊陞右都督充總兵官鎮守貴州征進香爐山等處陞左都督五年封奉天翊衛宣力武臣特進榮祿大夫柱國伯祿千石六年充總兵官征進銅鼓五開斬獲功多畱鎮守貴州撫捕苗蠻天順元年論平蠻功進侯流予世伯祿千二百石賜誥券身免一死子免一死自伯至侯凡六年卒予諡天順四年子毅嗣坐罪革爵成化十五年孫壽祥嗣嘉靖十八年東嗣三十三年炳嗣隆慶二年應奇嗣卒亡子六年炳從弟燁嗣

南寧伯毛勝初名福壽和寧王阿魯台之裔祖毛邨海國初歸附授燕山中護衛閑牧官從靖難累陞都督同知卒亡子弟安泰襲兄官爲羽林前衛世指揮使子濟襲有征虜功亡子福壽襲兄官進爲都指揮使正統七年征破麓川陞左府都督僉事充右參將復征麓川八年論功陞都督同知十四年殺虜龍門陞左都督還守宣武等門禦虜犯京師出禦虜紫荆關充副總兵征進湖廣貴州興隆等處山峒擒獲苗王韋同烈等景泰三年往貫屯金沙擒獲賊子思機發五年封奉天翊衛宣力武臣特進榮祿大夫柱國



伯改名勝祿千石改世券身免一死還鎮守金齒等處伯四年卒追封侯予諡子榮嗣成化六年文嗣弘治七年良嗣嘉靖三十四年重器嗣卒亡子第邦器嗣卒亡子四十一年第國器嗣世

右景泰年封公一人伯五人世三人除一人

武功伯徐有貞吳人以副都御史與石亨迎太上皇南宮復皇帝位陞兵部尚書華蓋殿大學士封奉天翊運推誠宣力守正文臣特進光祿大夫柱國伯祿千一百石世指揮使身免二死子免一死仍兼華蓋殿大學士掌文淵閣事亡何下獄謫戍金齒除有傳

定遠伯石彪用舍人從從父亨有功授大同衛鎮撫以從亨蹂虜清風店陞都督僉事爲後軍右都督鎮守大同天順元年論殺虜功封伯尋論征虜功進侯四年伏誅

興濟伯楊善大興人以右都御史迎駕南宮天順元年封奉天翊衛推誠宣力武臣特進光祿大夫柱國伯祿千二百石給誥券身免二死子免一死卒贈侯子宗嗣成化元年予世錦衣指揮同知

文安伯張輓以功臣子累戰功爲中軍右都督迎駕南宮封奉天翊衛推誠宣力武臣特進光祿大夫柱



名山藏 卷之四十二 二  
國伯給誥券身免二死子免一死祿千二百石與世  
券伯五年卒子斌嗣坐咀呪宥死間住世錦衣指揮  
使

太平侯張軌以勳戚入衛用軍功累陞右都督天順  
元年以迎駕南宮封奉天翊衛推誠宣力武臣特進  
光祿大夫柱國侯給誥券身免二死子免一死進封  
三代祿二千石卒贈裕國公子諡子瑾嗣成化元年  
予世指揮使

懷寧侯孫鏜東勝人永樂中襲父林爲指揮同知以  
殺處州寇退虜都城下累官右都督天順元年迎駕

南宮封奉天翊衛推誠宣力武臣特進榮祿大夫柱  
國侯祿千一百石身免一死給誥券流再與世五年  
勦反者曹欽長安門進侯加祿二百石尋與世成化  
初以殺曹欽功不與奪門同奪侯侯十五年卒追贈  
涑國公予諡成化七年子輔嗣十六年泰嗣弘治十  
五年應爵嗣正德十二年瑛嗣卒亡子嘉靖十八年  
弟瑁嗣二十三年秉元嗣三十八年世忠嗣

宣城伯衛穎華亭人父書國初以水軍爲總旗授薊  
州衛百戶從靖難有功累都督僉事穎襲官爲濟南  
衛指揮使正統十四年以山東都司署都指揮僉事



破虜擢後軍都督府署都督僉事禦虜京師有功進都督同知天順元年論迎駕南宮陞前軍都督府左都督其冬進封奉天翊衛推誠宣力武臣特進榮祿大夫柱國伯祿千一百石與誓免一死鎮守甘肅累殺虜破番有功成化初錄破番功增祿百石予世伯四十二年弘治十一年卒予諡子璋嗣正德十二年鐔嗣三十六年守正嗣隆慶二年國本嗣昭武伯曹欽天順元年以太監吉祥從子從奪門功得封五年坐反伏誅

彰武伯楊信正統中從其伯父洪捕虜累功所鎮撫至都督同知充總兵官天順二年佩將軍印總兵鎮守延綏領軍西黃梁三與虜戰擒斬賊首阿力台王封奉天翊衛宣力武臣特進榮祿大夫柱國伯祿千石給券與誓免一死流屢逐虜天順八年予世伯二十一年卒追封侯予諡子瑾嗣弘治十年質嗣嘉靖十八年儒嗣四十一年炳嗣

武平伯陳友其先西域人寓全椒永樂中以馬軍從征虜大殺胡於塔灘山等處捕獲忠勇王也先土干部宣德初積功實授百戶復用招降捕虜功陞副千戶正統初屢入虜招降其男女送至進獻駝馬牛畜



貢使時時捕首虜功多累陞都督同知充左參將統兵征進湖廣貴州地方擒獲苗王賊首韋同烈等陞後軍都督府右都督留鎮湖廣累殺苗賊銅鼓五開諸處空其巢寨天順元年封奉天翊衛宣力武臣特進榮祿大夫柱國伯祿千石世予誓免一死既伯與虜戰鎮番五十餘捕獲千餘二年進侯流加祿百石卒子能嗣伯成化二十年綱嗣弘治三年追封友沔國公予諡九年勳嗣卒亡子正德五年弟熹嗣嘉靖十三年大策嗣

年永祿嗣

豐潤伯曹義儀真人祖勇以開國功累燕山左衛左

千戶父勝從靖難征虜累陞本衛指揮僉事義襲世官永樂二十年征進半壁山等處有功宣德五年以湖廣都司署都指揮僉事征進江西梅花峒等處勦捕賊寇累功十年以中府都督僉事充總兵官鎮守遼東捕虜斬獲歷陞左都督天順元年授奉天翊衛宣力武臣特進榮祿大夫柱國伯祿千三百石世予誓身免一死子免一死伯四年卒追封侯予諡孫振嗣弘治三年愷嗣愷鎮守貴州兼提督清平等衛捕斬叛苗功多終掌南京前軍府事總理操江嘉靖五年棟嗣卒亡子嘉靖七年弟松嗣三十九年文炳嗣



懷柔伯施聚通州人父忠國初充燕山右護衛前所軍征進總可來亦都山大寧蔚齊眉山等處累有功歷陞金吾右衛世襲指揮使永樂七年征進飲馬河沒於軍聚襲父官累征虜有功正統十四年以右都督充總兵官協守遼東景泰三年殺賊登州營有功陞左都督天順元年封奉天翊衛宣力武臣特進榮祿大夫柱國予誓祿千一百石身免一死二年予世卒追贈侯子諡子榮嗣天順八年鑑嗣弘治八年璜嗣卒亡子嘉靖八年瑾嗣十五年燾嗣三十四年嵩嗣隆慶三年光祖嗣

東寧伯焦禮山後廣寧人父八思台國初歸附除薊州衛指揮僉事禮以舍人從軍有功宣德元年襲父官調守遼東禦虜多功虜人比之飛將軍累陞左軍都督府左都督天順元年封奉天翊衛宣力武臣特進榮祿大夫柱國伯祿千二百石世賜券與誓身免一死子免一死侯七年卒子壽嗣卒亡子成化九年弟俊嗣弘治十四年子洪嗣卒子不嗣正德八年弟洵嗣卒無子十六年再從姪棟嗣卒贈太子太保子諡嘉靖四十二年文耀嗣

海寧伯董興未詳何許人石亨言其有靖除內難功



天順元年得封伯歲祿千一百石尋命鎮守總兵遼東不能圍虜科刻爲奸利曹欽誅坐流廣西除

武強伯楊能正統中從伯父洪有功累開平指揮使敗虜灣河三岔口擢都指揮僉事從洪還朝連敗虜紫荊倒馬二關景泰元年擢都指揮同知以遊擊將軍禦邊宣府敗賊八里溝八里村擢都指揮使仍充遊擊將軍統神機京兵尋擢後軍都督僉事充左參將鎮宣府進都督同知充左副總兵召還總神機京兵天順元年以殺賊功擢左都督總兵宣府大同有警言請自行戰敗賊磨兒山石灰站進封奉天翊衛宣

力武臣特進榮祿大夫柱國伯祿千石流伯四年卒  
亡子弟倫嗣世指揮使

高陽伯李文未詳其所自起爲陝西都指揮督練西寧土兵天順元年以大同威遠殺賊累功封高陽伯  
流除

右天順年封侯二人伯十三人世七人除八人

寧晉伯劉聚濟人叔父永誠以太監出鎮甘肅聚從立功歷都督同知天順五年捕曹欽陞右都督成化六年充副總兵出延綏塞遇虜被七創濺血力戰大破虜擒斬也忽五等百級以上俘獲最陞左都督七



年自陳功封伯流祿千石再充總兵殺賊延綏九年  
予世十年卒進封奉天翊衛宣力武臣特進榮祿大  
夫柱國侯予諡有誥子祿嗣卒亡子十一年弟福嗣  
福爲京營總兵加太子太保卒十五年岳嗣卒亡子  
嘉靖六年弟子文嗣二十三年良璽嗣卒亡子三十  
五年叔斌嗣萬曆三年應元嗣

伏羌伯毛忠涼州人曾祖刺反洪武初從軍爲千戶  
祖拜都征哈密皆戰沒父寶永樂中從出塞功授百  
戶忠嗣父爲官初名哈刺累功行都司都指揮同知  
始賜毛姓又以功陞都督同知賜名天順初以征福

建百賊功陞都督同知充左府總兵鎮守甘肅復以  
勦虜功特進左都督成化三年以從宣城伯穎殺番  
功多封伯祿千石以討土胡滿四力戰中流矢于海  
孫鎧皆沒見卒夢曰吾當生擒四贈侯成化五年孫  
銳嗣追給誥券授奉天翊衛宣力武臣特進榮祿大  
夫柱國侯予諡世伯祿千石卒銳弘治十三年鎮兩  
廣加太子太傅劉瑾索銳金不能應正德三年落太  
子太傅奪祿十五勒罷瑾誅卒贈太傅予諡嘉靖三  
年江嗣卒亡子弟漢嗣卒亡子三十三年弟子栢嗣  
三十九年登嗣



武靖伯趙輔鳳陽人曾祖端開國功累官濟寧衛指揮使父本從征漢庶人陞都指揮輔嗣祖爲官正統十四年陞都指揮僉事管操尋陞署都督僉事充參將鎮守懷來等處累禦虜天順八年營建功陞後軍都督同知成化元年以總兵征蠻大藤山峽功最三年封奉天翊衛宣力武臣特進榮祿大夫柱國伯予券祿千二百石其年充總兵官征勦建州俘斬最進侯予誓免一死十年予世卒追封容國公予諡子承慶嗣正德三年弘澤嗣嘉靖八年世爵嗣二十三年國斌嗣萬曆二年光遠嗣

昌寧伯趙勝遷安人宣德中世官景泰元年累功陞都指揮僉事天順五年以討曹欽功陞督府同知以參將出固原捕虜有功成化四年陞都督充總兵鎮遼東七年捕斬朶顏有功召還十二年修京城加太子太保三千營總兵十九年封流伯祿千石又明年加太保卒贈侯予諡世指揮使銓錦衣

威寧伯王越濬人以兵部尚書兼憲職捕虜威寧海成化十六年封伯祿千二百石與世券仍左都御史掌院事十七年出寧夏佩征西前將軍印充總兵鎮大同移鎮延綏以斬虜首功加太子太傅增祿歲四



百石掌前軍都督府事總督團營叙一子錦衣百戶  
編管安陸再起握軍卒贈太傅予諡除

興寧伯李震南陽人父謙督府僉事震嗣指揮使正  
統中以征兀良哈木麓川香爐山螃螬寨功陞督府  
僉事天順四年充總兵征武岡黎平賊五年攻兩廣  
貴州蠻陞同知成化元年還兵湖廣征荆襄賊歷陞  
左都督十二年論征靖州苗功封伯流祿千石十四  
年革爵開任二十二年復

順義伯羅秉忠父困卽來沙河衛指揮永樂中討平  
肅州叛回哈喇馬牙陞都督同知二年以征阿台朶  
兒功陞千戶累功陞指揮十年調平山衛十四年征  
辰沅擒苗酋韋同烈陞都督同知天順初陞都督成  
化三年充遊擊征貴州有功四年封伯流祿千石十  
六年卒予諡

靖安伯和勇和寧王阿魯台孫父阿卜只俺授左都  
督勇以父故爲錦衣指揮使正統十四年以紫荊關  
斬首虜功歷陞都督僉事天順元年進同知五年遊  
擊將軍征廣蠻成化元年再征有功陞左都督加祿  
歲百石己潯州獲叛酋斬首功多封伯流祿千一百  
石十年卒予諡子忠自歷戰功爲錦衣指揮僉事得



世 右成化年封伯八人世三人除五人

威寧侯仇鉞江都人世指揮同知立功以遊擊將軍守寧夏正德五年以討反者寧化王寘鐸功封伯祿千石與世券仍總兵守寧夏七年充平賊將軍征流賊以功進侯與世券加祿百石卒孫鸞嗣以罪除

右以捕反封

涇陽伯神英京師人國初高祖保以功爲大同指揮僉事父傑立功雲南進指揮使陞陝西都指揮英嗣指揮使延安衛累捕虜先登成化弘治間充總兵守

寧夏延綏宣府大同歷四鎮累官署都督劾致仕大賂劉瑾下兵部傳會前後功中律得封瑾敗奪伯爲右都督

右以禦胡功封

泰安伯張富新城人以弟太監永得爲錦衣指揮使正德五年繇右都督論永發捕劉瑾功推恩封嘉靖初除爲錦衣指揮使

安定伯張容富弟以兄太監永得爲錦衣都指揮僉事正德五年繇右都督論永發捕劉瑾功推恩封嘉靖初除爲右都督



永壽伯朱德不知何許人初冒太監裴姓為義子曰  
裴德又曰武德又曰朱德正德五年以義兒賜姓封  
十六年下獄除

平涼伯馬山涿人正德五年以弟太監永成冒誅劉  
瑾功推恩封十六年除

鎮平伯陸永以兄太監閻封除

鎮安伯魏英榆次人正德五年以兄太監彬推恩封

十六年革為都督同知

永清伯谷大亮以兄太監大用冒平流賊功推恩封

十六年除

永定伯朱泰故姓許起指揮驍勇通文義為遊擊將  
軍征流賊有功陞都督賜國姓為義兒從巡邊斬虜  
首封伯除

右以恩幸封

右正德年封侯一人伯十一人俱除

新建伯王守仁餘姚人以提督南贛汀漳等處軍務  
右副都御史擒反者寧王宸濠正德十六年封伯奉  
天翊衛推誠宣力守正文臣特進光祿大夫柱國兼  
南京兵部尚書身免二死子免一死祿千石流隆慶  
二年予世子正億嗣萬曆五年承勳嗣



右以捕反封

京山侯崔元代人尚憲宗女永康公主爲駙馬都尉

嘉靖初以奉迎車駕封祿千五百石與世已坐張皇

后親事下詔獄得釋

右以迎立封

恭誠伯陶仲文黃岡人

右以方術封

右嘉靖年封侯一人伯二人世一人除二人

彭城伯張昶仁宗昭皇后弟也父麒洪武中以女爲

燕世子妃授兵馬副指揮食俸京師昶從靖難以義

勇中衛指揮同知累陞指揮使二十二年仁宗卽位

以中軍左都督封奉天翊衛宣力武臣特進榮祿大

夫柱國伯祿千五百石世予誓身免二死子免一死

卒孫璟嗣成化十六年信嗣正德三年銘嗣嘉靖十

七年勳嗣卒亡子三十年弟熊嗣

惠安伯張昇昶弟以舍人從靖難守城累出塞有功

累陞後府都督同知洪熙元年陞左軍都督府左都

督正統五年以功以親封奉天翊衛宣力武臣特進

榮祿大夫柱國伯左都督如故祿千一百石世予誓

身免二死子免一死昇循禮守法爲士林所稱卒孫



琮嗣卒亡子成化五年弟瑛嗣卒亡子十六年弟瓚  
嗣弘治七年偉嗣卒贈太傅予諡嘉靖十七年鏞嗣  
三十四年元善嗣以賊徒奉天賊諭官代死予諡  
會昌伯孫忠以宣宗章皇后父宣德四年封伯祿千  
石予世券卒贈侯予諡子繼宗嗣英宗復辟進侯加  
祿二百石予世券追贈忠安國公予改諡繼宗卒贈  
郊國公予諡成化十六年孫銘嗣正德十五年杲嗣  
嘉靖八年以外戚恩澤除予世券追贈忠安國公  
安平伯吳安丹徒人以景帝生母吳太后弟封天順  
元年太后復爲貴妃除

安昌伯錢承宗以英宗孝莊睿皇后弟封卒予諡子  
維圻嗣嘉靖中以外戚恩澤封除

慶雲伯周壽成化三年以生母孝肅皇太后弟自督  
府同知進封十七年進侯予世弘治元年加太保卒  
贈宣國公予諡子瑛嗣除

長寧伯周彧成化二十一年以生母孝肅皇太后弟  
自都督同知進封予世卒正德三年子塘嗣十四年  
大經嗣例除

瑞安伯王源以憲宗純皇后弟成化二十年自中府  
都督同知進封與世弘治五年進侯卒贈太師予諡



崇善伯王清源弟弘治十年以都督同知封例除  
安仁伯王濬源弟正德二年以左都督封例除

昌化伯邵喜興化人嘉靖初以睿宗生母孝惠皇后  
弟自錦衣指揮使進封予世卒予諡子蕙嗣亡子族  
人杰嗣例除

壽寧伯張巒以孝宗敬皇后父弘治三年自督府同  
知進封五年進侯卒贈太保昌國公予諡子鶴齡嗣  
十六年加太保正德中進太傅嘉靖二年加太師以  
定策功進封昌國公前後祿八百石以罪除

建昌伯張延齡鶴齡弟弘治八年以都督同知進封  
十六年進侯加太保嘉靖初加太傅前後祿千六百  
石以罪除

玉田伯蔣輪徐州人以睿宗獻皇后弟嘉靖元年以  
錦衣指揮僉事封卒贈太保予諡

慶都伯夏儒以武宗毅皇后父封  
泰和伯陳萬言元城人以世宗孝潔皇后父嘉靖元

年自都督同知封除  
安平伯方銳以世宗孝烈皇后父嘉靖十九年自後

府左都督封二十一年進侯卒子承裕嗣例除  
慶都伯杜繼宗大興人以穆宗生母孝恪太后弟隆



慶元年自錦衣衛指揮僉事封

德平伯李銘以穆宗孝懿莊皇后父封

固安伯陳景行通州人以穆宗孝莊皇后父隆慶元

年自錦衣指揮僉事進封

武清伯李偉宛平人以今上慈聖皇太后父隆慶六

年今上卽位自都督同知進封

右以外戚封

保昌伯蔣廷珪以仁宗姪母夫封除



